

Mi filim se plante samting i stap jenis, mo mi no rere from olgeta. ?From wanem ol samting oli no save stap semmak nomo?

–Stap Kam Antap long Granada

## Dia Fasin blong Kam Antap

Tingbaot fevret stori blong ol samting we yu stap go tru long olgeta. Ol hiro oli fesem sam bigfala jenis mo ol jalenj bifo we oli kasem gol blong olgeta long en, ?hem i tru? !Sapos i no gat wan samting we i jenisim olgeta, bae i no gat wan gudfala samting we i hapen long olgeta! !No gat glad long en!

Fasin blong jenis i impoten tu long stori blong yu. Blong stap harem nogud, wari o fraet i nomol. Be tingbaot se yu nao yu hiro blong stori blong yu. Wanwan jenis i wan janis blong lanem samting mo blong kam antap. Mo Papa long Heven bae i helpem yu.

!Gudlak long ol gudfala stori blong yu!

*Fren*

Putum tingting blong yu long ol gudfala eksperiens mo stap droem yuwan olsem wan hiro blong ol gudfala eksperiens ia!

